

115 年全國語文競賽臺中市複賽臺灣原住民族語言朗讀文章 【郡群布農語】 高中學生組 編號 1 號

makisaiv Sulumun mas taiklas

Sulumun hai samashing mas Iehuba, kapimaupa saia mas itu Dabili isaicia tu tama tu sintukakiv, haitu maldaukang saia tu isia malvasvas tu dangian matatbuscia lusan matatbus minihumis mas pistaba kus. inaiza tu musan, Sulumun hai kusia Kibiun dalah matatbus, aupa aiza isaincia isnganan tu dadangian matatbus. inisaincia saia habas minusupah lusan pistaba.tudip tu labian, mapakasia iehuba mas taisah tahu saichia tu, tahuav saikin tu namaz isaiv ku masu i?

Antalam Sulumun tu, isu tu iskakalunan siamas Dabili inak tu tama hai, masmuav tu kadaidazun su, aupa saia hai katasa, mamantuk, masaningsing tu isang malka su. ni kasu mimisu masaunmangmang masasaiv saicia mas madaing at ni tu min-uvaiv tu daidaz, masaiv saicia tu tacini bananaz tu uvaz palanuhun aip sia isaicia paliskadan daingaz tu palusu.

Iehuba-- inak tu Sasbinaz Dihanin, uvazang saikin, niang haiiap tu namapasikua saipuk mas bunun, haitu palauvaivun su saikin, lisuvaiv mas inak tu tama mapinuni paliskadan daingaz. isia sinibinsah su pinuni anakanak tu bununcin minuni paliskadan daingaz, nain tu bunun hai supah daingaz nin mahtu sipulun.

Pahasia, makisaiv saikin masu tu mahtuang masaivku mas taiklas, mahtu haiiap tu maz masial maz makuang, mahtu mapisial saipuk isu tu bunun. mais ni tu maupacia hai, namahtubin saikin saipuk isu malalabas tu bunun i? taiaza mas itu Sulumun tu sinpakisaiv hai manaskal Iehuba, at tahu saicia tu, ni kasu cisuni anakanak makisaiv tu mahtuang sau madaingaz, mahtuang isuiian, anis mahtuang mapalatpu isu tu pais, masasiahu pakisaivun hai taiklas, aupa asa daingaz mamantuk mapiszang saipuk mas bunun.

Nakapimaupa saikin mas isu tu sinpakisaiv masaiv masu. nasaivan ku kasu mas taiklas sinmas mahtu mapinvaz masial mas makuang tu isang, sain hai inukang bunun aizang, naukin amin habasin bunun aizan.

Maza ni tu sinpakisaiv masu hai, naisaiv ku amin masu, isu tastu inihumisan tu sintauhumis hai uka duma paliskadan dainhaz mahtu mapaluszang. kasu mais kapilansan ku, kapimaupa mas inak tu ishahasam mas sintatahu, maszang mas Dabili isu tu tama hai, natauhumisan ku kasu pasau daingazun. masa minmakav Sulumun hai, haiap tu, iehuba hai isia taisah palinanutu saicia.

所羅門求智慧

所羅門敬愛上主，遵循父親大衛的教導，卻仍在各丘壇獻祭。有次他在基遍獻祭，上主夢中顯現，問他想要什麼。所羅門說，他年輕不懂治理，求一顆善於識別的是非之心，好管理眾多百姓。主喜悅他的祈求，賜他智慧與明辨的心，並給他無與倫比的榮華富貴，還應許若他遵行律法，會賜他長壽。所羅門醒來，明白是上帝在夢中對他說話。